

## CAPSIDÆ NOVÆ E ROSSIA MERIDIONALI

DESCRIPTÆ

Ab O.-M. REUTER.

---

### 1. *Plagiorrhama concolor* n. sp.

Elongatus, ferrugineus, opacus, pallido-pubescens, capite, pronoto, scutello hemielytrisque longe remote fusco-pilosis; apice scutelli, hemielytris, antennis, rostro pedibusque dilutioribus, flavo-testaceis, hemielytris unicoloribus abdomineque leviter nitidulis. — Long. formæ brachypt., 3  $\frac{2}{5}$  mill.

Caucasus, Petrovsk, unicum spec., D. Jakowleff.

Caput formæ brachypteræ basi pronoti circiter  $\frac{1}{5}$  angustius, vertice convexiusculo oculo triplo latiore (♀). Rostrum coxas posticas paullulum superans. Antennæ articulo 2<sup>o</sup>, 1<sup>o</sup> paullo magis quam triplo longiore: Pronotum (brach.) apice quam basi solum  $\frac{1}{4}$  angustius, lateribus postice levius sinuatis. Hemelytra (brach.) basin segmenti quarti dorsalis parum superantia, apice divaricatim rotundata, membrana angustissime lineari.

### 2. *Platyporus* nov. gen.

πλατύς. πόρευώ.

Corpus formæ brachypteræ late ovatum, superne deplanatum, inferne ut etiam pronoto, scutello, hemielytris connexivoque pilis squamiformibus pallidis vestitum. setis destitutum; capite lato verticali, antico viso quinquangulari, infra oculos longe producto, latitudine cum oculis æque longo, a latere viso altitudine multo brevior, vertice subhorizontali, subplano, margine levissime arcuato, disco utrinque puncto lævi concolore instructo, medio striis longitudinalibus in frontem productis ibique divergentibus, fronte basi late depressa, cetero tumido-convexa, clypeo depresso a fronte bene discreto, perpendiculari vel retrorsum nonnihil vergente, ipsa basi sat longe infra lineam inter scrobes antennarum ductam posita, genis altissimis; oculis brevibus, basi retrorsum vergentibus; antennis sat longis, articulo primo interne setis rigidis instructo, oculi

latitudinē multo longiore, apicem clypei haud superante, secundo lineari, capitis latitudinē cum oculis multo longiore; pronoto f. brach. basi subtruncato; scutello f. brach. toto plano, basi obtecta; hemielytris f. brach. totis coriaceis, cuneo haud discreto; femoribus posticis longis, valde incrassatis, margine antico setula unica instructis, tibiis omnibus cylindricis, anticis reliquis haud crassioribus, rectis; tarsis posticis articulo secundo tertio vix longiore.

A gen. *Euryopocoris* Reut. (typ. : *nitidus* Mey.), cui proximus videtur, corpore deplanato, pilis squamiformibus instructo, vertice subhorizontali, antennis articulo primo externe femoribusque posticis antice setis rigidis destitutis, tibiis cylindricis, reliquis haud crassioribus, a gen. *Anapus* Stål (typ. : *Kirschbaumi* Stål) vertice margine postico arcuato, oculis basi retrorsum vergentibus, articulo antennarum primo externe femoribusque posticis antice setis rigidis destitutis, a gen. *Orthocephalus* Fieb. Reut. (typ. : *mutabilis* Fall), fronte tumido, clypeo a fronte bene discreto, oculis basi retrorsum vergentibus, antennis longius infra oculos insertis, articulo primo interne multisetoso, scutello f. brach. basi obtecta, hemielytris f. brach. cuneo haud discreto, tarsis articulo secundo tertio vix longiore corporeque deplanato haud setoso divergens.

#### **Pl. dorsalis n. sp.**

Niger, opaculus, capite nitido, dorso abdominis lævi subviolaceo-ænescenti, pronoto, scutello, hemielytris, connexivo lato, pectore ventreque pilis squamiformibus albidis facillime divellendis parcius vestitis; vertice marginibus orbitalibus obscure testaceis; tibiis flavotestaceis, nigropubescentibus, breviter nigrospinulosis, basi et apice nigris; hemielytris (♀ brach.) solum segmentum basalem abdominis tegentibus, apicem versus longitudinaliter substrigosis, angulo externo late rotundatis, margine apicali levissime rotundato versus commissuram nonnihil obliquatis. — Long., ♀ brach. 3 3/4 mill.

Transcaucasia, Kasikoparan, unicum specimen communicavit D. Dr Horvath.

Caput basi pronoti nonnihil angustius, vertice oculo fere triplo latiore. Antennæ articulo 1° latitudinē interoculari circiter 1/4 breviorē; 2° 1° circiter 2 1/3 longiorē. Pronotum basi longitudinē paullo magis quam duplo latius, disco planum, subtiliter coriaceum, ante medium utrinque foveola instructum. Scutellum pronoto 1/3 brevius, subtiliter coriaceum. Hemielytra commissura pronoti longitudinē. Acetabularum margines tenuiter albi. Abdomen valde